


Oleh Presiden  
**Henry B. Eyring**  
Penasihat Pertama di dalam  
Presidensi Utama



# Betapa Besar Akan Kebahagiaannya

**H**anya beberapa perkara dalam kehidupan ini adalah lebih manis dan bertahan lebih lama daripada mengetahui bahawa anda telah membantu orang lain mengambil injil Yesus Kristus yang dipulihkan ke dalam hati mereka. Mempunyai kebahagiaan itu adalah peluang yang tersedia untuk setiap ahli Gereja. Ketika kita dibaptis, kita mengikat janji bahawa kita akan “berdiri sebagai saksi bagi Tuhan pada setiap waktu dan dalam segala hal, dan di segala tempat di mana [kita] mungkin berada, bahkan sampai kematian, agar [kita] boleh ditebus oleh Tuhan, dan terbilang di antara mereka dalam kebangkitan pertama, agar [kita] boleh memperoleh kehidupan kekal” (Mosia 18:9).

Semua ahli gereja menerima sebahagian tugas yang diberikan kepada Gereja untuk mengambil injil Yesus Kristus ke seluruh dunia, dimana-mana mereka tinggal, sepanjang hidup. Tuhan mengatakannya dengan jelas: “Lihatlah, Aku mengutusmu keluar untuk bersaksi dan memperingatkan orang-orang, dan adalah sepatutnya bagi setiap orang yang telah diperingatkan untuk memperingatkan sesamanya” (A&P 88:81). Misionaries sepenuh-masa semestinya mempunyai kuasa mengajarkan mereka yang belum ahli Gereja. Ahli-ahli Gereja semestinya mempunyai kuasa mencari mereka yang Tuhan telah sediakan untuk diajar oleh para misionaris.

Kita mesti beriman bahawa Tuhan telah menyediakan orang-orang di sekeliling kita yang siap diajar. Dia tahu siapa mereka dan bila mereka sedia, dan Dia dapat memimpin kita ke mereka melalui kuasa Roh Kudus dan memberi kita perkataan untuk menjemput mereka diajar. Janji yang Tuhan mengikat dengan seorang misionari pada 1832 adalah janji yang sama yang Dia berikan kepada kita dalam tugas kita mencari orang yang sedia diajar oleh para misionaris: “Dan Aku akan mengirim ke atas dirinya Penghibur, yang akan mengajarkannya kebenaran dan jalan ke mana dia hendaknya pergi; dan sejauh dia setia, Aku akan memahkotainya lagi dengan berkas-berkas” (A&P 79:2–3).

Dan janji kebahagiaan yang besar bagi misionari yang setia juga dipunyai oleh kita sebagai ahli gereja yang setia yang memberikan hati kita dalam perkerjaan misionaris.

Dan jika kebahagiaan kita besar dengan satu jiwa yang kita bawa kepada Juruselamat dalam kerajaan Bapa, betapa besarnya kebahagiaan kita jika kita membawa ramai jiwa kepada Dia! (A&P 18:15–16).

“Lihatlah, kamu memiliki Injil-Ku di hadapanmu, dan batu karang-Ku, dan keselamatan-Ku.

“Mintalah kepada Bapa dalam nama-Ku, dalam iman percaya bahawa kamu akan menerima, dan kamu akan

memperoleh Roh Kudus, yang menyatakan segala hal yang perlu kepada anak-anak manusia” (A&P 18:16–18).

Selain daripada Roh Kudus untuk membantu kita mengenali dan menjemput mereka yang sedia diajar, Tuhan telah memanggil dan melatih pemimpin untuk membimbing kita. Dalam sepucuk surat yang bertanggal 28 Februari, 2002, Presidensi Utama meningkatkan tanggungjawab bagi uskup-uskup dan wad-wad dalam perkerjaan misionaris.<sup>1</sup> Dengan pertolongan majlis cawangan atau wad, jawatankuasa eksekutif keimamatan menyediakan rancangan perkerjaan misionaris untuk cawangan atau wadnya. Dalam rancangan itu ada cadangan tentang bagaimana ahli-ahli dapat mencari mereka yang sedia diajar oleh para misionaris. Ada seorang yang dipanggil sebagai pemimpin misionaris cawangan atau wad. Pemimpin misionaris itu selalu berkomunikasi dengan misionaris sepenuh-masa dan simpatisan-simpatisan mereka.

Ada pelbagai cara anda dapat memenuhi kewajipan peribadi anda dengan lebih baik dan mencari orang untuk diajar oleh para misionaris. Cara yang paling sederhana adalah terbaik.

Berdoa untuk dipimpin oleh Roh Kudus. Bercakap dengan pemimpin tempatan dan misionaris, minta nasihat mereka dan janji pertolonganmu. Menggalakkan mereka yang terlibat dengan anda dalam perkerjaan ini. Dan menjadi seorang saksi pada setiap masa dalam apa yang anda katakan dan lakukan bahawa Yesus adalah Kristus dan bahawa Tuhan menjawab doa.

Saya bersaksi bahawa Roh Kudus akan membimbing anda kepada mereka yang mencari kebenaran ketika anda berdoa dan berusaha mendapat bimbingan itu. Dan saya tahu dari pengalaman bahawa kebahagiaanmu akan bertahan lama dengan mereka yang memilih untuk mengambil injil ke dalam hati lalu bertahan dalam iman.

#### NOTA

1. Lihat “Surat Khabar Gereja: Perkerjaan Misionaris Cawangan dan Wad Dititikberatkan,” *Liahona*, 4 Ogos 2002.

---

#### MENGAJAR DARI PESANAN INI

- *Mengajar, Tidak Ada Panggil Lebih Penting* menasihati kita untuk menggalakkan mereka yang kita

ajar untuk membuat matlamat yang membantu mereka menjalankan asas yang telah mereka belajar (melihat muka surat 159). Dengan keluarga yang anda ditugaskan mengajar, timbanglah berkat-berkat perkerjaan misionaris sebagaimana diungkapkan Presiden Eyring dan, jika disuruh Roh Kudus, menjemput keluarga yang anda mengajar supaya membuat matlamat sebagai keluarga untuk berkongsi injil.

- Pertimbangkan berfikir secara mendalam dengan keluarga yang anda ditugaskan, untuk mencari banyak cara untuk berkongsi injil, dengan mengingati nasihat Presiden Eyring bahawa “cara yang paling sederhana adalah terbaik.” Untuk belajar lebih lanjut mengenai cara berfikir secara mendalam, lihat *Mengajar, Tidak Ada Panggilan Lebih Penting* muka surat 160.

## REMAJA

### Misionaris yang Ramai Dalam Kehidupan Saya

Oleh Elizabeth S. Stiles

**H**ari Ahad pertama saya menghadiri gereja dengan misionaris, saya mengenali orang-orang yang membesar bersama saya dan yang saya kenal dari komuniti. Saya melihat salah satu dari kawan rapat saya dari sekolah, setiausaha sekolah rendah dan sekolah menengah, seorang remaja puteri yang pada masa lampau telah saya memperlakukan secara tidak sebaik mungkin, dan bahkan seorang remaja putera yang pernah saya cintai.

Setiap orang dari individu-individu ini telah meninggalkan kesan yang bertahan lama dalam kehidupan saya. Kawan terbaik saya ialah seorang remaja puteri yang sangat berintegriti, dan oleh kerana dia, saya memilih terus belajar tentang Gereja. Para setiausaha itu yang mengenali saya dari sekolah membantu saya tahu bahawa saya seorang yang penting. Saya belajar tentang kasih ilahi dan kasih yang murni dari remaja puteri itu yang memeluk saya walaupun saya telah memperlakukannya dengan kurang baik pada masa sebelumnya. Orang itu yang pernah saya cintai menjadi teladan yang baik, saya mengenali cahayanya dan ingin berada di sekitar dia.

Pengalaman-pengalaman ini menolong saya belajar bahawa, bahkan sebelum pertama kali saya kenal para misionaris, Bapa di Syurga telah menyediakan saya menerima injil melalui orang-orang yang telah Dia letakkan di sekitar saya. Dari mereka saya belajar bahawa perkara kecil yang kita lakukan ada kesan yang hebat. Paling penting, saya telah belajar bahawa perkerjaan misionaris bermula dengan saya.

## KANAK-KANAK

### **Injil—Suatu Kurnia untuk Berkongsi**

Perkataan *injil* bermaksud segala ajaran dan tata-cara yang diberikan kepada kita oleh Yesus Kristus dan nabi-nabi-Nya. Injil seperti bakul penuh kurnia dari

Bapa di Syurga. Anda dapat tolong memberikan kurnia-kurnia ini kepada orang lain. Dengan siapakah dapat anda berkongsi kurnia injil?

Baca setiap ayat suci ini dan buat senarai atau melukis beberapa gambar menunjukkan kurnia-kurnia yang termasuk dalam injil.

1. Yohanes 5:14–15
2. Mosia 16:6–7
3. 3 Nefi 18:1–10
4. A&P 20:72–73
5. A&P 33:16
6. A&P 89:4, 18–21
7. A&P 132:46
8. A&P 137:10
9. A&P 138:32–34



Iman • Keluarga • Pertolongan

## Pemulihan Segala Hal

*Pelajarilah pesanan ini dan, sebagaimana sesuai, berbicara mengenainya dengan para saudari yang anda kunjungi. Gunakanlah soalan-soalan yang diberikan untuk menolong anda menguatkan para saudari yang anda ajar dan juga untuk membuat Lembaga Pertolongan suatu bahagian yang giat dalam kehidupan anda.*

**N**abi Joseph Smith mendirikan Lembaga Pertolongan sebagai sebahagian mustahak Gereja. Sebagai presidensi, kami harap agar kami dapat membantu anda memahami kenapa Lembaga Pertolongan adalah mustahak dalam kehidupan anda.

Kami tahu bahawa para wanita dari Perjanjian Lama menunjukkan iman dalam Yesus Kristus dan terlibat dalam perkerjaan-Nya. Maria, yang “duduk dekat kaki Yesus, dan mendengarkan perkataan-Nya” (Lukas 10:39). Dalam Injil Yohanes 11:27 Marta bersaksi mengenai Yesus: “dia berkata kepada Dia, Ya, Tuhan: Saya percaya engkau-lah Mesias, Anak Allah, yang akan datang ke dalam dunia.” Kisah Para Rasul 9:36, 39 berbicara mengenai “seorang perempuan murid yang bernama Tabita, . . . yang banyak sekali telah berbuat baik. . . . Dan semua janda datang berdiri dekatnya . . . menunjukkan semua baju dan pakaian yang [dia] buat.” Febe, dalam Roma 16:1–2, ialah “pelayan jemaat” dan “memberikan bantuan kepada orang ramai.”

Pola-pola iman, kesaksian, dan pelayanan ini diteruskan dalam Gereja zaman akhir dan di dirasmikan dengan pembentukan Lembaga Pertolongan. Julie B. Beck, presiden umum Lembaga Pertolongan, mengajar: “Sama seperti Juruselamat

menjemput Maria dan Marta yang hidup semasa zaman Perjanjian Baru untuk melibatkan diri dalam perkerjaan-Nya, para wanita zaman ini ada tugas yang rasmi untuk melibatkan diri dalam perkerjaan Tuhan. . . . Pembentukan Lembaga Pertolongan pada 1842 menggiatkan kuasa bersama para wanita dan tugas khusus mereka untuk membangun kerajaan Tuhan.”<sup>1</sup>

Kita mencapai perkerjaan kita ketika kita fokus pada tujuan-tujuan Lembaga Pertolongan: meningkatkan iman dan kesolehahan pribadi, memperkuat keluarga dan rumah tangga, dan mencari mereka yang perlu pertolongan.

Saya bersaksi bahawa Lembaga Pertolongan didirikan secara ilahi untuk membantu dalam perkerjaan keselamatan. Setiap saudari Lembaga Pertolongan ada peranan yang mustahak untuk memainkan dalam pencapaian kerja yang suci ini.

*Silvia H. Allred, penasihat pertama dalam presidensi umum Lembaga Pertolongan.*

### Dari Tulisan Suci

Yoel 2:28–29; Lukas 10:38–42; Efesus 1:10

### Dari Sejarah Kita

Saudari Julie B. Beck telah mengajar bahawa “kita tahu melalui Nabi Joseph Smith bahawa Lembaga Pertolongan adalah bahagian

rasmi Pemulihan.”<sup>2</sup> Proses pemulihan bermula dengan Penglihatan Pertama pada tahun 1820 dan berterus “garis demi garis, ajaran demi ajaran” (A&P 98:12). Apabila Lembaga Pertolongan ditubuhkan secara rasmi pada tanggal 17 Mac 1842, Nabi mengajarkan wanita mengenai tempat mereka yang terpenting dalam Gereja yang dipulihkan. Dia berkata, “Gereja tidak ditubuhkan secara sempurna sehingga para wanita ditubuhkan seperti yang demikian.”<sup>3</sup>

### CATATAN-CATATAN

1. Julie B. Beck, “Memenuhi Tujuan Lembaga Pertolongan,” *Liahona*, Nov. 2008, 108.
2. Julie B. Beck, “Memenuhi Tujuan Lembaga Pertolongan,” 108.
3. *Ajaran Presiden-Presiden Gereja: Joseph Smith* (2007), 451.

### Apa yang Dapat Saya Lakukan?

1. Apa pertolongan akan saya berikan kepada saudari-saudari saya bulan ini yang menunjukkan iman saya sebagai seorang murid wanita Yesus Kristus?
2. Apa ajaran injil yang dipulihkan akan saya mengaji untuk memperkuat kesaksian saya bulan ini?

Untuk maklumat lebih lanjut, layari [www.reliefsociety.lds.org](http://www.reliefsociety.lds.org).